

**N̄wa' wvu fwe wvù Baul to saᅇε ê  
kentaashε ke  
Tεsalonika  
Fiεε f̄i nu ê N̄wa' wvu  
Tεsalonika wvu fwe wvun e**

Tεsalonika to nu kelaante kemew ê keba ke won e kè Masedonia le jò Baul to kεwεε kentaashε ke bonyii bo mbee le. Fí to baa moocε no kentaashε kin kεwεε ke, ε Bojuu mum kεw no bane Baul bene kendonj bô wvú. Baul mum saᅇ ᅇwa' wvu fwe wvun fô bonyii bo Klistu le bo Tεsalonika keeyvuwsε mvuntelem mvubole, ege ε bó eleemè tεmyi.

*Bikuu bi mwεem e ê N̄wa' wvun e*

1:1 Keᅇkεwεε

1:2–3:13 ε Baul yuw njonj bvuu bεnse bonyii bo mbee le

4:1–12 Ntefe εkumε nce wvu bonyii bô è nu bo Klistu le

4:13–5:11 Ntefe εkumε no Klistu nu ke ekase eto

5:12–22 Ntefe wvu fokemεse

5:23–28 Kemεse

<sup>1</sup> ε nu me wvù Baul, ε me nu bee Silas noo Timatio. Me nsaanke ᅇwa' wvun fô kentaashε ke bonyii bo mbee le ke Tεsalonika le kè nu ε taashε ε no nu yî Nyo' Ice bô Tata Jisos Klistu le.

Mbuwma Nyo' bô nyεkeey enù fô ben e.

*Ɛ Baul nya keyoone ê Nyo' yî kentaashε ke bonyii bo mbee le ke Tesalonika le*

<sup>2</sup> Bese ké no nyaa keyoone ê Nyo' sekecii εkumε ben bocii, bene ben sekecii ê bunle yese le. <sup>3</sup> Seke bese nu ê Nyo' Icee wesebeene fwe, bese ké no kumyi gee dinεn dî buyte yî fitele fî ben lese yî Klistu le bô lemme dinεn dî buyte yî kenkonεn kenεn e noo shém yî ben kuule yî buyte yî ntaa wvù ben taale fwe yî Tata wesebeene wvù Jisos Klistu le.

<sup>4</sup> Boom bo bwee wese le bô Nyo' koonke, bese kee lo ε Nyo' nu ε caw wase ben. <sup>5</sup> Bese kee nonεn njefo ke saaka wvù jee wvù bese to toε dvú fô ben e to to ke ε è nu bô njeme maan ke. Wvú to to ten bô mvunɔay mvù nen'yi fô Keyoy ke Yuule le, ε bese looci kee lo ε saaka wvudvu nu keceεy. Ben kee kfuu bonyii bô è to nu bese seke bese to cee ê ben entelen nje ben. <sup>6</sup> Ben to nu ε no bejene bese noo Tata njefo ben to nu ε fiisen saaka wvudvu bô nlanlan wvù nen'yi fô Keyoy ke Yuule le naa no ben cim to nu yî nɔεw wvu baay e. <sup>7</sup> Nonεn ε ben mum tu bonyii bô bonyii bo mbee le bocii bo ê keba kè Masedonia le noo kè Akεya le ejoð kenfewsεn fô bó le. <sup>8</sup> Me njemyi nen njefo ke è mey ke diεw yî yi Tata yî nu ε san jo ben ε ghan keba kè Masedonia bô kè Akεya le ke. Saaka wvu εkumε fitele finεn fî ben lese yî Nyo' le nu ε ghan wase ten mondvuum e monciim. Nonεn ke shieε bvuu nu dvú wvù bese ejemyi fiεε εkumε fifiε ke. <sup>9</sup> Ben ekeε le bonyii bodvu keεε nu ε no seje εkumε no ben

---

**1:2** 2:13; Fili 1:3; Kolo 1:3; 2Tes 1:3; 2:13    **1:3** 5:1-2    **1:4** 2Tes 2:13, 16    **1:5** 1Kol 4:20    **1:6** Lem 17:5-9; 2Kol 6:10; 2Tes 3:7, 9  
**1:8** Lum 1:8    **1:9** Jon 17:3; Lem 14:15

to fiisεεε bese ê ben entelεη, noo no ben to cin'yεε mvunyo' le tu wase ben ε bo Nyo' keelemte wase Nyo' wvu keceεy wvù keηke nshii le. <sup>10</sup> Bó seηe tεn no ben cεyε Waa we wvù nu ke enε fowe eto le. Waa we wvun nu wvù wvú to bvuseε yî kpwe le, ε è nu Jisos wvù bvuseε beene can shém Nyo' yî ffuuke yì wvú nu ke eduηce ê bonyii le.

## 2

### *ε Baul jeme ekumε lemme diew di Tesalonika*

<sup>1</sup> Boom bo bwee wese le, ben kebεε kee lo le ke ghane dì bese to laalεε ê ben e to nu ε la εcici ke. <sup>2</sup> Naa no ben kee le bonyii to nu ε nya ηγεW ê bese bvuu nvuwse bese ê kelaante kè Filibi le, nu ε bese to kuu ke shém ê mvunηay mvu Nyo' wese le keefewce saaka wvù jee wvù wvu Nyo' ê ben naa no bonyii cim to cile bese naa baay nεn. <sup>3</sup> Ke saaka wvù bese to fewci lεke ben dvú to nu bô jay ke, ε ke bese to fewci bô ηkpawce mvu wvù befε keηεε gomte keelεε lo ben ke. <sup>4</sup> Geenεn no Nyo' nu ε yεn le bese nu ε kocεn bonyii bò wvú enya saaka wvù jee wvun can yibole, nonεn bese ε mum ε no fewci. ε bese yaa fewci le ye ejeè ε è nu bonyii ke. Bese fewci le ye ejeè ε è nu Nyo' wvù taasse mvuntelem mvuseε. <sup>5</sup> No ben kee nu ε bese to baa ke yuu wase etoo bô díεw ken'yem keηεε tεw fiεε fojise keedie fiεε can yene le ke. ε fin nu fiεε ε Nyo' leeme fwe wese. <sup>6</sup> Ke bese to baa egomte keekεηke mbense mvu ê wee keηεε wvù nεn'yi fô

---

**1:10** 5:1-2, 9; Lum 5:9    **2:1** 1:5, 9    **2:2** Lem 16:19-24; 17:1-9  
**2:3** 2Kol 4:2    **2:4** Yeli 11:20; 1Tim 1:11; Gal 1:10; Efe 3:2    **2:5**  
2:10; Lem 20:33; 2Kol 1:23    **2:6** Jon 5:41, 44

ben e κεεεε fô bonyii bomew e κε. Naa ε è to nu bvudvuu bvusese diεwε boom bo ntum e bo Klistu le keebiite mwεεm λε ben egeè fô bese le. <sup>7</sup> Bese to nu fisese nyεkeey ê ben εντελεη diεwε bwee wan wvù taale fô boom bew e. <sup>8</sup> Nonεn ε bese mum jo ben ye le naa ntay bô κεηκοηεν, nya ben ε è yaa mεy κε bô saaka wvù jee wvù wvu Nyo' maan κε, geenεn nya tεn bikuu bisese ê ben njefo ben to nu wa lo mvuntelem mvusese naa baay.

<sup>9</sup> Boom bo bwee wese le, κε ben kumyi tεn lemme disese bô njimtεn wese. Bese to lemte entan bô εmvunsheenη wvu λε fo bese eγεε bvujite yî wee mvu ben e no bese to fewci saaka wvù jee wvù wvu Nyo' ê ben κε. <sup>10</sup> Ben kebεε naa noo Nyo' nulo eben jim nsaw wese λε nce wese fô ben bonyii bo mbee le to nu wvù yuule nu teytey yaa κεηκε nlom yimi κε. <sup>11</sup> Ben kee tεn no bese to gee bô ben diεwε no cee wan ké no gee bô boom bew. <sup>12</sup> Bese to yvuwse mvuntelem mvunεn, lowci ben, tomsee λε ben eceè nce ε è nu wvù Nyo' gomte. Ε nu Nyo' wvù teηe ben λε ben eley bvunfon bwew bô bvukuke bwew e.

<sup>13</sup> Bese shee κε tεn nyaa keyoone ê Nyo' nje fin fi λε seke bese to toε bô diεw Nyo' fô ben e, ben to nu ε fiisεn diεw yidvu no yî looci nu λε è nu diεw Nyo' ε è yaa nu diεw wee κε. Ε è nu yî yî lemte yî yene le, ben bô nu bonyii bo mbee le. <sup>14</sup> Ben kee boom bo bwee wese le λε fiεε fi to kooyεε bô bintaashε bi bonyii bo mbee le bi Nyo' le bì nu ε bee Klistu Jisos e ê keba kè Judea le to nu ε kooy tεn bô ben. Ben

to nu ε yεn tεn bonjεw can bonyii bonεn bo won e lεnλεn no bó to yεnεε can Bojuu bobole. <sup>15</sup> Bojuu ban nu bò to yuε Tata Jisos. Ε è nu bó bò to yuwyi bonyii bo ntum Nyo' le. Ε nu bó bò to kuηεε bese jo bó. Bó gee nonεn ε Nyo' yaa yuuke njon bô bó κε. Bó bane lo bonyii bocii, <sup>16</sup> no bó baanke je fô bese le keejemyi ê bonyii bò yaa nu κε Bojuu wvu λε bó eboy e. Bó gee nonεn sekecii ε bibefε bibole yiηsene bene. Shém Nyo' yì ffuuke nu ε to wase yì bó le keseen.

*Ε Baul no κεηke shiee keebvuu eyεn bonyii bo mbee le bo Tesalonika le*

<sup>17</sup> Boom bo bwee wese le, no beene se gawsenεε nu ε bese ε mom wase naa baay κεηke shiee λε bese bee eyεn ben e εjise naa no è cim bεε κε kefew caan no beene se gawsenεε. Beene nu ε gawsen κε ε è nu εjise. Beene baa gawsen ê fitele le κε. <sup>18</sup> Bese gomte keekase eto ê ben e. Me wvù Baul keβεε nu ε mom wase naa bokan e bokan e, geenεn ε Satan jewsee κε bese. <sup>19</sup> Bese κεηke shiee nonεn njefo fiεε fi è nulo é bese etaale fwe yì dvú le, κεnεε bvujonke bvusese bô kefo kesεse ke bvunfon e kè bese nu ke esaale ye dvú fwe dvu Tata wesebeene wvù Jisos seke wvú ε kase ε to bvuu nu la? Κε è nu ben e? <sup>20</sup> Ε nu naa ben bvuwee bvusese bô bvujonke bvusese.

### 3

<sup>1</sup> Nonεn no bese to yεnεε λε fí nu ε ghaw wase, ε bese cu ntan keeshεε εjim Aten bese εmbeη, <sup>2</sup> mum tum Timatio wvù waa bwee wesebeene wvù bee

---

**2:15** Lem 2:23; 9:23, 29; 13:45, 50; 14:2, 5, 19; 17:5, 13; Lum 11:28; 2Kol 11:23-29    **2:16** Mat 23:31-33    **2:17** 3:10    **2:19** 1Kol 9:24-25; Fili 4:1; 2Tεs 1:4    **3:1** Lem 17:15    **3:2** 1:1

bó lemte Nyo' le yî saaka wvù jee wvu ekumε Klistu le. Bese to tum λ wvú eto eleke ben yî mbee wene le ntay, ebvuu etefe ben, <sup>3</sup> λ fo bonɣew ban ke eshiw wee mvu ben e κε. Ben kebεε kee lo λ bonɣew nu wase fiεε fisεεbeene. <sup>4</sup> Ben kee lo λ seke bese to nu beene nu ε bese to see ê ben ε è bεε lo λ beene nu ke eyεne bonɣew. Ε è nu κε naa ληληη no fi nu ε kooy wase ε ben kee. <sup>5</sup> Ε nεε fiεε fi to gee ε me ηke ndioo n'yen λ fi nu ε ghaw wase, ε me mum ntum Timatio keηkiεε no mbee wene nu, njefo me nto ηkeηke nfan λ è nelo enu ε wee wε wvù momte bonyii ε mom wase ben ε ge lemme dicii di bese lem fô ben e ε tu di εcici.

*Ε Timatio nya saaka ekumε mbee bonyii bo Tesalonika*

<sup>6</sup> Geenεn keseen nu ε Timatio ε to wase ê ben e ε kase ε tu jim fô bese le, ε see saaka wvù jee wvu ekumε fitele fi ben lese yî Klistu le bô no ben duηci keηkoηen fô bonyii le. Wvú nu ε see tεn no ben kumyi bese naa ntay bvuu keηke shiee keeyen bese le no bese keηke tεn shiee keeyen ben e. <sup>7</sup> Nje fifin boom bo bwee wese le, yî nsase bô bonɣew bô bese keηke le nu ε shém ε λεtεn bese ekumε ben baay nje fitele fi ben lese yî Klistu le. <sup>8</sup> Keseen nu ε bese ε yoy nje ben leeme κε tεmyi ben ε bo Tata. <sup>9</sup> Nonεn bese ε no nyaa keyoone ê Nyo' baay nje ben. Bese nyaa keyoone ê Nyo' nje njoη wvù bese yuuke fwe dvu wvú nje ben. <sup>10</sup> Bese bunlee shiee le εntaη bô εmvunsheeη λ è nelo é bese ebvuu eyen ben e εjise

---

**3:3** Efε 3:13; 2Tes 1:4; 2Tim 3:12      **3:4** Lem 14:22      **3:5** Fili 2:16  
**3:6** Lem 18:5; 2Tes 1:3; 1Tim 1:5; Flm 5-7; Gal 5:6      **3:7** 2Tes 1:4  
**3:10** 2:17

wvu le bese enya ben bô fiεε fi bεε fuute yî mbee wene le.

<sup>11</sup> Bese bunlee le Nyo' Icee wesebeene kebεε bô Tata wesebeene wvù Jisos eyene je é bese eto ê ben e. <sup>12</sup> Bese bunlee tεn le Tata ege é kenkonεn kenεn eku ege n fwe é ben ekonεnè bikuu binεn bô bonyii bocii leηleη no bese koonke ben. <sup>13</sup> Bese bunlee nonεn wvu le wvú ege é mvuntelem mvunεn etemyi, é ben ke enu sε jay, yuule fwe dvu Nyo' Icee wesebeene seke Tata wesebeene wvù Jisos too bô ηgoo ye yicii.

## 4

### *Nce wvù Nyo' koonke*

<sup>1</sup> Keemεεse boom bo bwee wese le, bese leke ben kule lo can diεwε bonyii bô nu ε taashε yî Tata Jisos e, le no ben to yeεyεε ê bese no ben kenke keecee no Nyo' koonke, ε è nu kε naa wase no ben cee keseen, ben egeè kε nonεn gene lo fwe fwe. <sup>2</sup> Ben kee wase bontefe bô bese to nyaε ê ben ê mvungay mvu Tata Jisos e. <sup>3</sup> Fiεε fi Nyo' koonke nu le ben eceè diεwε bonyii bô è nu bo Nyo' le. Fo ben ejaan kè kenjan kε. <sup>4</sup> Wee mwaanη mwaanη ben e kenke keekee keejici ye ye le ê je yî yuule kenke n'wvum e. \* <sup>5</sup> Fo ye wee enù kε lo yvuwse, ηeyte diεwε yi wee ketum kè yaa kee kε Nyo' kε le. <sup>6</sup> Fo wee ege kebefε kenεε ege jay mvu bô waa bwee yî saaka wvudvu wvun e kε. Bese to nu ε jeme wase ciise lo ê ben ε è bεε lo le Tata nu ke elanη ηgew yî bonyii bô gee mwεεm

---

**3:12** Gal 6:10      **3:13** 5:1-2; Fili 1:10      **4:1** 2:13; Kolo 1:10;  
 2Tes 3:6      **4:3** 5:23; 1Kol 6:13; Ibu 10:10      \* **4:4** Kenεε le, "Wee  
 mwaanη mwaanη ben e kenke keekee keekenke kpwεε ê je yî yuule,  
 kenke n'wvum e."

mvun mvunciim e. <sup>7</sup> Ben ekeè le ke Nyo' to tenje beene le beene eceè ε è nu nce nnyen ke. Wvú to tenje le beene eceè nce wvù yuule. <sup>8</sup> Fí ε mum ε no nu le naa yεε wvù tun keeyuw ntefe wvun e nu ε ke wvú tun keeyuw ε è nu wee wvu wum e ke. Wvú tun keeyuw ε è nu Nyo' wvù nyaa Keyoy kew ke Yuule ê ben e.

<sup>9</sup> Fi ekumε kenkonen kè ben ekenkè fô boom bo bwee wene le bo mbee le nu ε ke shiee nu dvú fô ben e wvù bó ebvuu esaanke ekumε fifie ê ben ke. Fifi nu fiεε ben kebeε nu ε Nyo' to yεeyi wase ben no è nulo é ben ekonenè bikuu binen. <sup>10</sup> Yí keceey e, ben koonke naa wase boom bo bwee wene le bocii bo ê keba kè Masedonia le. Geenε boom bo bwee wese le, bese bvuu teete ke ben le ben egeè ke nonεn gene lo fwe fwe. <sup>11</sup> Shiee wene baay enù ε è nu keecee nce wvu nyεkeey, yaa leese ke diuw fô mwεem mvu bonyii le ke. Ben elemtè bô can yene no bese to teeteε ben. <sup>12</sup> Nonεn é bonyii bo ekfun emum enyaa n'wvum ê ben, ben saa ebvuu etaale wee mvu yí fiεε le ke.

### *Ekumε kefew kè Tata nu ke ekase eto le*

<sup>13</sup> Boom bo bwee wese le, ke bese gomte le ben enu kenjiwe le ekumε bonyii bô nu ε kpweken wase ke. Bese gomte le ben ekiεε wvu le fo ben enu yii yii diewe bonyii bô yaa taale ke fwe yí fiεε le ke. <sup>14</sup> Beene nu ε bee le Jisos to nu ε kpwe kase buy yí kpwe le, ε è nu ke lenlen no Nyo' nu ke ekase etfuse

---

**4:7** 4:3; 1Bi 1:15-16    **4:8** 1Kol 6:19-20    **4:9** Yeli 31:33-34; Gal 6:10; Efe 5:2    **4:10** 2Tes 3:4    **4:11** 2:9; Efe 4:28; 2Tes 3:10, 12  
**4:12** 1Kol 5:12-13; Kolo 4:5    **4:13** 5:1-2; 1Kol 15:51-52    **4:13**  
1Kol 15:18-19; Efe 2:12    **4:14** Lum 14:9; 1Kol 15:3-4, 12, 20

jim bonyii bò to kpwekene ε bó ε taashε bô bo Jisos, é bó ke enu bô wvù. <sup>15</sup> Bese jemyi fin bii ε è nu diεw Tata le, le κε beene bò nu ε shεε εjim bò nu ke ebεε dvú yî kefew kè Tata nu ke etoo le nu ke esa fwe dvu bonyii bò nu ε kpweken wase κε. <sup>16</sup> Ben ekeè le Tata kebεε nu ke enε fowe eshiile too wamte foweεwe bô diεw yî temyi, ε ekolε ke bonceendaa bo Nyo' le fuunke ten, ε soη Nyo' jemyi. ε bonyii bò to kpwekene ε bó ε taashε wase bô bo Klistu emum eyaw ebuy. <sup>17</sup> Nonεn é Nyo' emum ecun beene bò nu ε shεε bò bεε dvú noo bó ntaashε le ê kembεw e keegεn etasεn beene bo Tata ê kebulε le. ε beene bo Tata ke emum enu sekecii. <sup>18</sup> Nonεn ben emum elεεsè fitele fi wee noo wee le bô njeme wvun.

## 5

### *No è nulo é wee eceyte nto Tata*

<sup>1</sup> Boom bo bwee wese le, ekumε kefew bô diuu di nto Tata le nu ε κε shiee nu dvú fô ben e wvù bó esaηkè fifiε ê ben κε. <sup>2</sup> Ben kebεε kee lo le diuu di nto Tata le nu ke enu diεwε di cooη e εntaη. <sup>3</sup> Bonyii nu ke edioo duu le, “Nyεkeey nu dvú, ε fiεε fi wee efanè yaa nu κε”, é ηgεw emum enε esεεε egbwe yî bó le diεwε no lume ke nε to yî kpwoon wvù nu bô fue le, je saa enu dvú keelewtε κε. <sup>4</sup> Geenεn boom bo bwee wese le, κε ben nu finεn kenjiwe le wvù diuu didvu ke enε esεεε eto fô ben e diεwε cooη e κε. <sup>5</sup> Me njemyi nεn njefo ben bocii nu bonyii bo n'yuu le, nu bonyii bo εmvunsheenj.

---

**4:15** 1Kol 7:10, 25    **4:16** 1Kol 15:23    **4:17** Jon 12:26; Lum 5:17; Fili 3:20    **5:2** 1:2-3, 10; 2:19; 3:13; 5:23; Mat 24:36; Fili 4:5; 2Tes 1:7, 10; 2:1-2; Mat 24:43; 2Bi 3:10; Mwm 3:3; 16:15    **5:3** Yeli 6:14-15; Mat 24:39    **5:5** Lum 13:11-12; Εfe 5:8-9

Κε beene nu bonyii bo ενταη κενεε bo kenjiwe le κε. <sup>6</sup> Nonεν fo beene eleetè no bonyii bomew leete κε. Beene enù we bô bvufee bvuseεbeene fó bvucii. <sup>7</sup> Bonyii bò leete ké no leete ε ε nu ενταη, ε bonyii bò mbvuum koole bó nu ε mó ké no koole ε ε nu ενταη. <sup>8</sup> Geenεν no beene nu fisεεbeene ε ε nu bonyii bo εmvunsheen, beene emum enù bô bvufee bvuseεbeene fó bvucii. Beene ejo mbee bô kenκoηεν é mvú enù diεwε ketwaa ke jem e ε beene ε jise ε βαη gvúw yesebeene dvú, ejo ten mboyma wvú beene taale fwe yî dvú le é wvú enù diεwε kefo ke jem e ε beene ε bon. <sup>9</sup> Ben ekeè λ κε Nyo' to caw beene γεε λ wen ke eduηce ε è nu shém ye yî ffuuke ê beene κε. Wvú to caw λ beene ke eκεηκε ε è nu mboyma fele yî Tata wesebeene wvú Jisos Klistu le. <sup>10</sup> Jisos Klistu nu wvú to kpweε nje yese beene, wvu λ κενεε beene nu dvú, κενεε beene ε kpweκεν, é beene enu κε beene ε bó. <sup>11</sup> Nonεν ben emum eyvuwsè mvuntelem mvu wee noo wee le, eyootè ten wee noo wee ε wvú kuu κε no ben gee wase.

### *Ntefe wvu fokemεse bô ηgayma*

<sup>12</sup> Boom bo bwee wese le, bese λeke lo ben λ ben ewvumtè bonyii bò lemte ê ben εντεληη taale fô ben e yî saaka Tata le bvuu teete ben e. <sup>13</sup> Ben eduηci n'wvum ê bó naa ntay yî kenκoηεν e nje lemme dibole. Ben eκεηκè ten nshii wvu nyεkeey fô bikuu binεν e. <sup>14</sup> Bese bvuu λeke ten ben boom bo bwee wese le λ ben etefe bonyii bò nu laame κε lo, eyvuwsε mvuntelem mvu bonyii bò κηηκε

jan e, efice ten bonyii bò wεεyi. Ben ekuulè shém ben ε bonyii bocii. <sup>15</sup> Ben eyènè fo wee etfuusè kebefε bô kebefε. Ben egomtè sekecii keegeε ε è nu mwεεm mvù jee fô bikuu binen e noo fô bonyii bocii le. <sup>16</sup> Ben elanlanè sekecii, <sup>17</sup> bunleè kefew kecii, <sup>18</sup> nyaà keyoone ê Nyo' yî fiεε ficii fi kooyi le. Fin nu fiεε fi Nyo' shieele fô ben bò nu yî Klistu Jisos e. <sup>19</sup> Fo ben ecilè lemme di Keyoy ke Yuule le κε. <sup>20</sup> Fo ben emwaasè bontum bo Nyo' le bò bonyii teete κε. <sup>21</sup> Ben etaassè mwεεm mvunciim, jòò mvù jee leeme yî dvù le, <sup>22</sup> ebvuusè can fô mwεεm mvù befe le mvunciim.

<sup>23</sup> Me nleke le Nyo' kebεε wvù nu Nyo' kembonen eloocε ege é ben eyuule yî fiεε le ficii. Wvù egeε keyoy kenen bô mvuntelem mvunen noo ye yene é yí ke enu se nlo m kefew kè Tata wesebeene wvù Jisos Klistu nu ke eto le. <sup>24</sup> Wvù wvù Nyo' wvù to tenεε ben nu ε wvù ké no leeme κε yî diεw ye le, ε wvù nu ke ege mwεεm mvudvu.

<sup>25</sup> Boom bo bwee wese le, ben ebunleè fô bese le.

<sup>26</sup> Ben egay boom bo bwee wesebeene le bocii enoocε ê ηηocε bonyii bo Nyo' le.

<sup>27</sup> Me njemyi nciise lo ê ben yî mvunḡay mvu Tata le ε ben etan ηwa' wvun é boom bo bwee wesebeene le bocii eyuw.

<sup>28</sup> Tata wesebeene wvù Jisos Klistu ebuw ben bô kembonen kew é kí enù ben ε bó.

---

**5:15** Lum 12:17; Fili 1:10    **5:16** Fili 4:4    **5:17** 5:25; Luk 18:1; Lum 12:12; Efε 6:18; Kolo 4:2    **5:18** Efε 5:19-20    **5:19** Efε 4:30  
**5:21** 1Kol 14:29; Efε 5:10; 1Jon 4:1    **5:23** 5:1-2; 2Kol 13:11    **5:24** 1Kol 1:8-9; Fili 1:6; 2Tes 3:3    **5:25** 1:2-3; Lum 15:30    **5:26** Lum 16:16    **5:27** Kolo 4:16

**Nwa' Nyo' Monkan mo Monfem  
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 21 Feb 2024 from source files  
dated 29 Jan 2022  
5b12a3f8-7a2a-5b6f-b1da-1bf94b13fc2e